



Nr. 01-~~104/02-5505/24~~

Datë : 01.03.2024

Në zbatim të nenit 12, paragrafi 2, pika d, të Ligjit 03/ L-040 Për Vetëqeverisjen Lokale ("Gazeta zyrtare e Republikës Kosovës", Nr. 28/ 2008), Vendimit të Kuvendit të Komunës 01 Nr.400/03-24314.23 të datës 27.09.2023- për Miratimin e Buxhetit të Komunës së Kačanikut për vitin fiskal 2024 si dhe Rregullores MF- NR- 04/2017 mbi kriteret, standardet dhe procedurat e financimit publik të OJQ- ve, KOMUNA E KAÇANIKUT nxjerr këtë :

VENDIM

PËR SHPALLJEN E THIRRJES PUBLIKE PËR MBËSHTETJE FINANCIARE PUBLIKE PËR PROJEKT / PROGRAME TË ORGANIZATAVE JO-QEVERITARE NË FUSHËN E KULTURËS, RINISË DHE SPORTIT PËR VITIN 2024

I

1. Për implementimin e thirrjes publike do të zbatohen dispozitat e rregullores MF- NR- 04/2017 mbi kriteret, standardet dhe procedurat e financimit publik të OJQ-ve.
2. Mbështetja financiare publike në vlerë të njëzet e gjashtë mijë euro **(26,000.00€)** për projektet/programet e OJQ-ve për realizimin e projekteve në fushën e kulturës, do të ofrohet nga Buxheti i Komunës së Kačanikut-subvencione dhe transfere të DKRS, kodi ekonomik 21200 në kuadër të programit/nënprogramit 85028/shërbime kulturore.
3. Mbështetja financiare publike në vlerë të pesëdhjetë e katër mijë euro **(54,000.00€)** për projektet/programet e OJQ-ve për realizimin e projekteve në fushën e rinisë dhe sportit, do të ofrohet nga Buxheti i Komunës së Kačanikut-subvencione dhe transfere të DKRS, kodi ekonomik 21200 në kuadër të programit/nënprogramit 85028/shërbime kulturore.

II

1. Mjetet e përmendura në nenin I, pika 2 do të shpërndahen në bazë të thirrjes publike për financimin e projekteve të OJQ-ve në fushën e kulturës, rinisë dhe sportit, sipas dokumentacionit për zbatimin e thirrjes, e cila është pjesë përbërëse e këtij vendimi.

III

1. Dokumentacioni për zbatimin e thirrjes sipas pikës II. të këtij vendimi përfshinë:
 - a) Teksti i thirrjes publike
 - b) Udhëzimet për aplikantët
 - c) Formularët e aplikimit
 - d) Forma për vlerësimin e cilësisë së projekteve
 - e) Format për raportimin e zbatimit të projektit

2. Formularët e aplikimit referuar në paragrafin 1 të këtij neni janë:
 - a) Forma e përshkrimit të programit apo projektit
 - b) Forma e buxhetit të programit apo projektit
 - c) Forma e deklaratës së mungesës së fondeve të dyfishta
 - d) Deklarata e Partneritetit (nëse është e aplikueshme)
 - e) Forma e deklaratës së programeve apo projekteve të OJQ-ve të financuara nga burimet publike
 - f) Deklarata për aktivitetet e kontraktorit e përmendur në përshkrimin e aktiviteteve të projektit që janë të njohur me programin ose projektin dhe pjesëmarrjen e tyre në zbatim (nëse aplikohet)
3. Formularët për zbatimin dhe raportimin e projekteve të referuara në paragrafin 1 të këtij neni janë:
 - a) Forma e kontratës për financimin e programit apo projektit
 - b) Formulari për përgatitjen e raportit narrativ për projektin apo programin
 - c) Formulari për përgatitjen e raportit financiar të programit apo projektit

IV.

Thirrja publike dhe dokumentacioni për zbatimin e thirrjes dhe kërkesës së aplikimit do të publikohen në mënyrë të plotë në faqen e internetit të Komuna e Kaçanikut

V.

1. Në përputhje me Rregulloren MF- NR- 04/2017 për kriteret, standardet dhe procedurat e financimit publik për OJQ-të dhe udhëzuesit për aplikantët, Komuna e Kaçanikut / Drejtoria e Kulturës, Rinisë dhe Sportit do të krijojë një Komision Vlerësues për hapjen dhe regjistrimin e aplikacioneve si dhe verifikimin e kushteve të përcaktuara të thirrjes publike.
2. Komisioni vlerësues do të bëjë vlerësimin e përmbajtjes së aplikacioneve të projekteve të pranura që kanë përmbushur me sukses kushtet formale për të qenë pjesë e konkurrimit sipas paragrafit 1 të këtij neni.
3. Anëtarët e Komisionit Vlerësues do të punojnë në përputhje me procedurën e përcaktuar në Udhëzimet për aplikuesit dhe rregullat e parapara me rregulloren MF- NR- 04/2017 për financimin publik të OJQ-ve.

VI.

1. Pasi të merret vendimi mbi aplikuesit e suksesshëm, projektet e të cilëve i plotësojnë kushtet për financim, Komuna e Kaçanikut merr vendim për ndarjen e mjeteve për financimin e projekteve/programeve të OJQ-ve.
2. Ofruesi i mbështetjes financiare do të njoftoj përfituesit për kohën e nënshkrimit të kontratave.
3. Përgjegjës për zbatimin e këtij vendimi është Komuna e Kaçanikut / Drejtoria e Kulturës, Rinisë dhe Sportit, Drejtoria për Buxhet dhe Financa .

IX.

Ky vendim hyn në fuqi në ditën e nënshkrimit

Komuna e Kaçanikut

Besim Ilazi – kryetar

